

**BOSNA I HERCEGOVINA  
FEDERACIJA BOSNE I HERCEGOVINE  
KOMISIJA ZA VRIJEDNOSNE PAPIRE  
FEDERACIJE BOSNE I HERCEGOVINE**

**FINANSIJSKI PLAN  
KOMISIJE ZA VRIJEDNOSNE PAPIRE  
FEDERACIJE BOSNE I HERCEGOVINE  
ZA 2013. GODINU**

**Sarajevo, mart 2013.**

**FINANSIJSKI PLAN  
KOMISIJE ZA VRIJEDNOSNE PAPIRE  
FEDERACIJE BOSNE I HERCEGOVINE  
ZA 2013. GODINU**

## **I. UVOD**

Komisija za vrijednosne papire Federacije Bosne i Hercegovine je samostalna specijalizirana institucija Federacije BiH osnovana Zakonom o Komisiji za vrijednosne papire ("Službene novine Federacije BiH", broj 39/98, 36/99 i 33/04). Imenovanje članova Komisije za vrijednosne papire Federacije BiH je izvršeno Odlukom Parlamenta Federacije BiH, koja je objavljena u "Službenim novinama Federacije BiH", broj: 7/04.

U skladu sa članom 22. Zakona o Komisiji za vrijednosne papire, Komisija svake godine podnosi Parlamentu Federacije BiH na potvrdu godišnji finansijski plan, zajedno sa godišnjim izvještajem o radu za prethodnu godinu.

## **II. PRIHODI**

U skladu sa Zakonom o Komisiji za vrijednosne papire, Komisija se finansira iz slijedećih izvora:

- naknade i takse ostvarene iz djelatnosti Komisije i
- donacije stranih vladinih i nevladinih organizacija, izuzev onih koje bi mogle dovesti u pitanje neovisnost Komisije.

Komisija je u 2012. godini radila na principu samofinansiranja, odnosno finansirala se isključivo prihodima od naknada i taksi ostvarenih iz djelatnosti Komisije što je prema međunarodnim principima za regulatore tržišta kapitala važan uslov za neovisno i kompetentno funkcionisanje regulatora tržišta kapitala. Ovakav način finansiranja, bez finansiranja iz sredstava budžeta, planiran je i u 2013. godini.

Planiranje vlastitih prihoda, bazira se u 2013. godini na naknadama od:

- odobravanja izdavanja vrijednosnih papira putem javne ponude i zatvorenih emisija,
- odobravanja izmjena i dopuna prospekata za emisije vrijednosnih papira,
- upisa u registre koji se vode kod Komisije
- odobravanja promjena oblika privrednih društava, spajanja i pripajanja društava,
- odobravanje promjena visine osnovnog kapitala društava,
- odobravanja konverzije, spajanja i podjele dionica,
- odobravanja postupka preuzimanja dioničkih društava,
- odobravanja akata berze ili drugog uređenog javnog tržišta,
- polaganje ispita za profesionalnog posrednika i investicionog savjetnika,
- izdavanja dozvola fizičkim licima za obavljanje poslova profesionalnog posrednika,
- izdavanja dozvola pravnim licima za obavljanje poslova profesionalnog posrednika,
- licenciranja banaka depozitara,
- nadzora nad društvima za upravljanje fondovima i IF-ovima,
- nadzora nad profesionalnim posrednicima,
- nadzora nad Registrom vrijednosnih papira u F BiH i berzom,

- te ostalim vlastitim prihodima.

Na bazi realne procjene obima poslova i zadataka koji proizilaze iz zakona i dostignutog nivoa razvoja tržišta kapitala, u 2013. godini planira se povećanje prihoda, a razlog je očekivano zadržavanje dostignutog nivoa aktivnosti na tržištu kapitala u 2013. godini te nešto veći obim aktivnosti nego prethodnih godina. Ukupan prihod u 2013. godini je planiran u iznosu od 1.672.806 KM, što predstavlja povećanje za 17 % ili 243.924 KM u odnosu na ostvareno u istom periodu 2012. godini.

U strukturi ukupnog prihoda najveći dio prihoda se planira i dalje ostvariti od nadzora nad radom društava za upravljanje fondovima i investicionih fondova, Registra vrijednosnih papira, profesionalnih posrednika, te po osnovu nadzora nad provođenjem korporativnih radnji u dioničkim društvima.

### III. IZDACI

Ukupni izdaci planirani su u iznosu 1.672.806 KM. Usljed očekivanog povećanja obima aktivnosti predviđeno je povećanje rashoda za 21 % u odnosu na ostvareno u 2012. godini i povećanje od 5 % u odnosu na plan za 2012.g.

Plan izdataka za 2013. godinu je sačinjen za 22 uposlenika (5 članova Komisije i 17 uposlenika u Komisiji). Obzirom da Zakon o Komisiji za vrijednosne papire propisuje izbor članova Komisije, koji se očekuje u 2013. godini, planirani su i izdaci za ove namjene kako je propisano. I pored planiranih dodatnih troškova usljed izbora članova Komisije, bitno je naglasiti da je Komisija plan plaća za 2013. godinu uskladila sa stanjem na tržištu kapitala i na nivou plaća iz 2010. godine, kada su u skladu sa Zakonom o plaćama smanjeni izdaci za bruto plaće.

Kako je u prethodnim godinama usljed ekonomske krize izvršeno smanjenje troškova (ukupni rashodi u 2012. godini su smanjeni za 1,50% u odnosu na 2011. godinu dok su u 2011. godini smanjeni za 6,50% u odnosu na 2010. godinu) gdje je god to bilo moguće, a da se ne dovede u pitanje efikasnost institucije, planom za 2013. godinu predviđeno je povećanje ukupnih rashoda za 291.287 KM ili 21,08 % u odnosu na ostvareno u 2012. godini. Najveći dio povećanja rashoda se odnosi na rashode koji su planirani za izbor u skladu sa Zakonom pet članova Komisije (trenutno ima samo tri člana). Rashodi za ovu namjenu su bili planirani i u 2011. i 2012. godini, ali kako izbor nije izvršen ovi rashodi su prenijeti u plan za 2013. godinu. Ostali rashodi su povećani zbog toga što se izvršilo rezervisanje sredstava u iznosu od 100.000,00 KM, za sudske sporove koji su u završnoj fazi i postoji mogućnost da se po istim Komisija obaveže na naknadu štete. Također je predviđeno neznatno povećanje i drugih rashoda (energije, materijala i usluga za 10.000 KM u odnosu na ostvareno u 2012. godini) uslijed usklađivanja sa povećanjem cijena na tržištu.

Sredstva u iznosu od 175.906,00 KM ostvarena u skladu sa Zakonom o Registru vrijednosnih papira od prodaje dijela dionica Registra vrijednosnih papira u FBiH, su predviđena za razvoj tržišta kapitala i nabavku neophodne informatičke opreme koja nije obnavljana nekoliko godina, a imajući u vidu da su djelatnosti na tržištu vrijednosnih papira koje Komisija po Zakonu nadzire u potpunosti informatizirane. Navedena sredstva za ovu namjenu su bila planirana i u 2012. godini, ali nabavka nije izvršena tako da su ovi rashodi prenijeti u plan za 2013. godinu.

Finansijski plan Komisije za 2013.godinu je prikazan u narednoj tabeli.

## Finansijski plan Komisije za vrijednosne papire FBiH za 2013.godinu

OPIS	Plan za 2012.	Ostvareno 2012.	Plan za 2013	Index	Index
	3	4	5	5 / 3	5 / 4
Nadzor nad Registrom vrijednosnih papira F BiH	240.000	237.047	224.400	94%	95%
Nadzor nad IF-ovima	400.000	512.870	430.000	108%	84%
Nadzor nad DUF-ovima	200.000	212.906	300.000	150%	141%
Nadzor nad berzom i drugim uređenim tržištima	35.552	27.398	35.000	98%	128%
Licencir. pravnih lica za obav. posl. profes. posredn.	106.200	112.500	105.000	99%	93%
Odobr. promjene oblika, spajanja i pripajanja društava	25.000	27.000	22.500	90%	83%
Za izdavanje dozvole za upravljanje IF i upis u registar fondova	40.000	29.000	24.000	60%	83%
Odobranje emisija v.p. putem zatvorene prodaje	60.200	31.414	59.000	98%	188%
Polaganje ispita za profesionalnog posrednika	22.500	22.250	22.500	100%	101%
Za izdav dozvole za banku depozitara i skrbnika	74.000	84.200	78.000	105%	93%
Naknada za smanjenje osnovnog kapitala	6.000	10.000	9.000	150%	90%
Odobrenje za preuzimanje društva tender ponudom	35.000	9.210	35.000	100%	380%
Odobranje konverzije, spajanja, podjele dionica	3.000	2.000	3.000	100%	150%
Upis u registar emitenata v.p. kod Komisije, prijava promjena, izdavanje izvoda iz registra emitenata	62.500	47.700	62.500	100%	131%
Odobrenje emisije javnom ponudom	14.500	0	14.500	100%	
Licenciranje fizičkih lica za obav. posl. profes. posrednika	23.000	19.400	20.000	87%	103%
Odob. akata berze i drugog uređenog javnog tržišta	3.500	2.100	2.500	71%	119%
Ostali vlastiti prihodi	60.000	41.887	50.000	83%	119%
Prenos prihoda iz proteklog perioda	175.906	0	175.906		
<b>SVEGA PRIHODI (A+B)</b>	<b>1.585.858</b>	<b>1.428.882</b>	<b>1.672.806</b>	<b>105%</b>	<b>117%</b>
Troškovi materijala i energije	37.500	36.918	37.500	100%	102%
Usluge	55.000	51.641	55.000	100%	107%
Bruto plate i naknade 19+3 zaposlena	1.437.300	1.243.094	1.437.300	100%	116%
Amortizacija	14.658	14.688	3.206	22%	22%
Finansijski troškovi	1.900	1.598	1.900	100%	119%
Putni troškovi	9.500	3.773	7.900	83%	209%
Ostali rashodi	30.000	29.808	130.000	433%	436%
<b>UKUPNO RASHODI</b>	<b>1.585.858</b>	<b>1.381.519</b>	<b>1.672.806</b>	<b>105%</b>	<b>121%</b>
<b>REZULTAT</b>	<b>0</b>	<b>47.363</b>			